

Na osnovu člana 32. stav (2) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23), člana 151. stav (4) Zakona o socijalnoj zaštiti, zaštiti civilnih žrtava rata Zeničko-dobojskog kantona („Službene novine Zeničko-dobojskog kantona“, broj: 13/07, 13/11, 3/15, 2/16 i 16/22), a u skladu sa Programom utroška sredstava planiranih Budžetom Zeničko-dobojskog kantona za 2023. godinu u Ministarstvu za rad, socijalnu politiku i izbjeglice, broj: 02-11-5124/23 od 30.03.2023. godine, ministar Ministarstva za rad, socijalnu politiku i izbjeglice Zeničko-dobojskog kantona raspisuje

JAVNI POZIV
za odabir programa rada/projekata nevladinih organizacija koje će se
finansirati/sufinansirati iz sredstava Budžeta Zeničko-dobojskog kantona predviđenih za
2023. godinu

I. Predmet javnog poziva

Predmet javnog poziva je odabir programa rada/projekata za dodjelu budžetskih sredstava namijenjenih za finansiranje/sufinansiranje programa rada/projekata iz oblasti socijalne zaštite, zaštite civilnih žrtava rata, zaštite porodica sa djecom i zaštite raseljenih lica i povratnika na području Zeničko-dobojskog kantona.

II. Pravo učešća

Pravo na učešće i dodjelu sredstava imaju: savezi, unije ili druge krovne organizacije registrovane na kantonalnom nivou u skladu sa zakonom, a koje u svom članstvu imaju srodna lokalna udruženja; kantonalna udruženja koja su članice saveza ili unija na federalnom ili državnom nivou; kantonalna udruženja koja provode Program mjera za prevenciju, zaštitu i borbu protiv nasilja u porodici za područje Zeničko-dobojskog kantona.

Članstvo u savezu, uniji ili drugoj krovnoj organizaciji podrazumjeva isključivo članstvo u oblasti socijalne zaštite, zaštite civilnih žrtava rata, zaštite porodica sa djecom i zaštite raseljenih lica i povratnika.

Pravo na dodjelu sredstava nemaju kantonalna udruženja koja nisu članice saveza ili unija na kantonalnom, federalnom ili državnom nivou.

III. Namjena

Budžetska sredstva su namijenjena za finansiranje/sufinansiranje programa rada/projekata iz oblasti socijalne zaštite, zaštite civilnih žrtava rata, zaštite porodica sa djecom i zaštite raseljenih lica i povratnika sa posebnim naglaskom na socijalnu uključenost, unapređenje kvalitete života i osnaživanje korisnika radi njihovog uključivanja u život zajednice koje se odnose na sljedeće kategorije:

- lica sa invaliditetom i lica sa teškoćama u razvoju,
- djecu bez roditeljskog staranja,
- odgojno zanemarenu i zapuštenu djecu,
- lica koja su žrtve porodičnog nasilja i nasilja u zajednici,
- starija lica,
- raseljena lica i povratnike.

Sredstva za finansiranje/sufinansiranje programa rada dodjeljuju se nevladinim organizacijama koje isključivo djeluju u oblasti socijalne zaštite, zaštite civilnih žrtava rata, zaštite porodica sa djecom i zaštite raseljenih lica i povratnika, i to sredstva u maksimalnom iznosu **do 10.000,00 KM**;

Sredstva za finansiranje/sufinansiranje projekata dodjeljuju se nevladinim organizacijama čije će projektne aktivnosti iz oblasti socijalne zaštite, zaštite civilnih žrtava rata, zaštite porodica sa djecom i zaštite raseljenih lica i povratnika biti realizovan na području tri ili više općina/gradova Zeničko-dobojskog kantona, i to sredstva u maksimalnom iznosu **do 7.000,00 KM**.

Vremenski period za realizacije projekata je od 01.05. do 31.12.2023. godine.

IV. Kriteriji za ocjenu programa rada/projekata

Opći kriteriji za finansiranje/sufinansiranje programa rada/projekta putem Javnog poziva za 2023. godinu su:

- doprinos programa rada/projekta ostvarenju javnog interesa u oblasti socijalne zaštite, zaštite civilnih žrtava rata i zaštite porodica sa djecom, zaštite raseljenih lica i povratnika;
- realizacija programa rada/projekta nevladine organizacije u oblasti koja je predmetom javnog poziva u predhodnom periodu;
- ciljne skupine kao kategorije koje su propisane pojedinačnim javnim pozivom da su precizno navedene u ciljevima nevladine organizacije;
- planirana sredstava potrebna za finansiranje/sufinansiranje programa rada/projekta (učesće iz ličnih sredstva, donacija, sredstva iz budžeta ili drugih izvora);

Posebni kriteriji za finansiranje/sufinansiranje programa rada/projekta putem Javnog poziva za 2023. godinu su:

- kvalitet predloženog programa rada/projekta;
- ostvarena saradnja sa drugim institucijama/ustanovama, udruženjima u realizaciji programa rada/projekta iz oblasti predmeta javnog poziva (Sporazum, Protokol ili Memorandum o saradnji);
- inovativnost programa rada/projekta u oblasti socijalne zaštite, zaštite civilnih žrtava rata i zaštite porodica sa djecom, zaštite raseljenih lica i povratnika;
- finansijska održivost programa rada/projekta;
- podnosjen izvještaj o realizaciji programa rada/projekta finansiranog od strane Ministarstva za rad, socijalnu politiku i izbjeglice u 2022. godini (za udruženja koja su u predhodnoj godini koristila sredstva po javnom pozivu, na osnovu službene evidencije Ministarstva).

V. Potrebna dokumentacija

Za prijavu na javni poziv potrebno je dostaviti sljedeću dokumentaciju:

1. Popunjen, potpisan i ovjeren prijavni obrazac (obavezno popunjen elektronski);
2. Rješenje o registraciji i Rješenje o eventualnim izmjenama podataka;
3. Izvod/izvadak iz Registra udruženja Ministarstva za pravosuđe i upravu Zeničko-dobojskog kantona, ne stariji od 3 mjeseca;

4. Program rada za 2023. godinu (za nevladine organizacije koje podnose prijedlog Programa rada);
5. Potvrda saveza, unije ili krovne organizacije na državnom ili federalnom nivou da kantonalno udruženje ispunjava uslove iz tačke II. javnog poziva;
6. Uvjerjenje o poreznoj registraciji (ID broj);
7. Bilans stanja i bilans uspjeha za prethodnu godinu;
8. Uvjerjenje o izmirenim poreskim obavezama izdato od strane nadležne poreske uprave, (ne starije od 3 mjeseca);
9. Potvrda o bankovnom računu i potvrda o solventnosti;
10. Izjava da podneseni program rada/projekat nije dobio sredstva iz Budžeta Zeničko-dobojskog kantona za 2023. godinu;
11. Izjava o visini finansijskog učešća u realizaciji programa rada/projekta, iz vlastitih sredstava ili drugih izvora finansiranja (potvrda, ugovor ili sporazum);
12. Sporazum, Protokol ili Memorandum o saradnji sa drugim institucijama/ustanovama, udruženjima u realizaciji programa rada/projekta iz oblasti koja je predmet javnog poziva.
13. Reference nevladine organizacije o realizovanim programima rada/projektima iz oblasti koja je predmet javnog poziva (Odluka o odobravanju sredstava, novinski članci, priznanja, zahvalnice i slično).

Svi priloženi dokumenti moraju biti u originalu ili ovjerenoj kopiji koje nisu stariji od 6 mjeseci.

VI. Završne odredbe

Prijavni obrazac za učešće na Javnom pozivu za odabir programa rada/projekata, može se preuzeti na službenoj stranici Vlade Zeničko-dobojskog kantona (www.zdk.ba).

Javni poziv ostaje otvoren 15 dana od dana objavljivanja, na službenoj stranici Zeničko-dobojskog kantona (www.zdk.ba) i dnevnim novinama „Dnevni avaz“.

Prijavni obrazac za učešće na Javnom pozivu sa pratećom dokumentacijom obavezno dostaviti u zatvorenoj koverti na adresu:

ZENIČKO-DOBOJSKI KANTON
Ministarstvo za rad, socijalnu politiku i izbjeglice
Ul. Kučukovići br. 2, 72000 Zenica

sa obaveznom naznakom „**NE OTVARATI – po Javnom pozivu za odabir programa rada/projekata nevladinih organizacija koje će se finansirati/sufinansirati iz sredstava Budžeta Zeničko-dobojskog kantona predviđenih za 2023. godinu**“, sa naznačenim **nazivom podnosioca prijave**.

Ocjenjivanje i izbor programa rada/projekata vrši Komisija koju imenuje Ministar, u skladu sa Pravilnikom o utvrđivanju kriterija za ocjenu i bodovanje programa rada/projekata nevladinih organizacija koje se finansiraju/sufinansiraju iz Budžeta Zeničko-dobojskog kantona za 2023. godinu.

Nepotpune i neblagovremene prijave neće biti uzete u razmatranje. Ministarstvo nema obavezu vraćanja dostavljene dokumentacije.